

Tingkatkan usaha majukan Sandakan sebagai destinasi pelancongan: Musa

OLEH ROZZALIN HASHIM
rozzalin@newsabahtimes.com.my

SANDAKAN: Bandar ini akan terkenal di kalangan pelancong luar sebab lokasi destinasi pelancongan yang wajar dikunjungi sekiranya potensi sedia ada diberikan perhatian untuk lebih maju.

Ketua Menteri Sabah, Datuk Seri Musa Hajji Aman yakin jika adanya usaha seperti meningkatkan produk pelancongan termasuk memperindah lanskap pembangunan maka sudah pasti pelancong akan tertarik untuk datang ke sini.

Sehubungan dengan itu, beliau berharap usaha-usaha memajukan Sandakan yang dulunya pernah mendapat jolokan dipergiatkan lagi kerana keadaan bentuk semulajadinya pun menggantikan tumpuan ramai pelancong sejak sekian lama.

"Sekiranya ada perhatian serius untuk memajukan bandar ini tentu usaha menjadikannya Sandakan antara destinasi pelancongan akan tercapai."

"Ini kerana, Sandakan mempunyai banyak potensi yang boleh dibangunkan ... justeru pihak kerajaan dan pelbagai lagi akan sentiasa agresif bagi melakukan yang terbaik ke arah menarik lebih ramai pelabur," jelasnya.

Musa berkata demikian ketika berucap merasmikan pawagam Lotus Five Star (LFS) Cinema Harbour Mall Sandakan, di sini, pada malam Sabtu.

Dalam konteks itu, beliau mengalung-alukan usaha dan inisiatif pihak LFS yang berani membuka cawangannya di Sandakan dan merupakan pawagam paling canggih di Sabah kerana mempunyai reka bentuk moden dengan memiliki tujuh skrin pawagam serta dilengkapi sistem audio visual tercanggih sekali gus memuatkan seribu penonton dalam satu-satu masa dengan selesa.

Katanya, usaha LFS ini akan memberi tanda positif kepada pembangunan daerah Sandakan selain mampu menarik lebih ramai pelancong dalam dan luar negara.

Jelangnya juga pembukaan pawagam berkecuali bukan sahaja dapat menyediakan perkhidmatan hiburan kepada masyarakat Sandakan tetapi juga mewujudkan peluang pekerjaan khususnya golongan belia.

"Sebanyak 60 staf baru telah diambil bekaria



LANCAR ... Musa menekan butang pada sebuah tab dibantu Afendi bagi menandakan perasmian pawagam yang serba canggih setiap hari.

"Sudah tentu pawagam ini akan menjadi pemangkin kepada pertumbuhan ekonomi Sandakan kerana penduduk daerah lain seperti Kinabatangan, Beluran dan Telupid akan datang ke pawagam berkenaan untuk menonton wayang.

"Dalam pada itu juga ... kita memang sentiasa komited bagi membangunkan industri filem di Sabah. Jadi, kita mahu Sandakan juga maju dalam bidang berkaitan memandangkan dulunya Sandakan merupakan salah satu bandar yang penting di negeri ini," ujar beliau.

Terdahulu, Pengarah LFS Cinema Sandakan iaitu Datuk Hj Md. Afendi Hamdan memberitahu pawagam baru ini mempunyai rekabentuk moden dengan tujuh skrin digital; 1000 kerusi penonton yang dilengkapi dengan sistem audio visual tercanggih bagi keseluruhan penonton.

Katanya, pembukaan pawagam ini bukan sekadar menyediakan perkhidmatan hiburan kepada masyarakat Sandakan tetapi juga mewujudkan peluang pekerjaan khususnya golongan belia.

"Sebanyak 60 staf baru telah diambil bekaria



PENGHARGAAN ... Afendi mengalungkan bunga kepada Ketua Menteri sebagai tanda penghargaan atas kesudian menyempurnakan perasmian pawagam baru itu.

agar mereka mempunyai kepakaran yang diperlukan dalam memastikan operasi pawagam bertaraf lima bintang ini berjalan dengan lancar dan sempurna," jelasnya.

Afendi berharap sokongan seluruh warga Sandakan dengan menjaga pawagam berkenaan kerana selain menjadi tempat hiburan dan riadah bersama keluarga, ia juga boleh menjadi tarikan pelancongan di bandar ini.

Turut hadir sama Pembantu Menteri Kerajaan Tempatan dan Perumahan merangkap Ahli Dewan Undangan Negeri (Adun) Gum-Gum, Datuk Zakaria Haji Mohd Edris; Adun Sekong, Datuk

Samsudin Yahya; Adun Sukau, Datuk Saddi Abdul Rahman; Ketua Umno Bahagian Sandakan Tan Sri Haji Ampong Puyon; Pengurus MCA Sabah, Datuk Edward Khoo; Timbalan Presiden Majlis Perbandaran Sandakan (MPS) Haji Mohd Hamsan Awang Supain dan Ahli Lembaga Pengarah Kumpulan Freka Corporation, Lai Voon Hon serta tetamu jemputan yang lain.

Sementara itu, Musa bersama isteri iaitu Datuk Seri Hajah Faridah Tussin serta para tetamu jemputan kemudiannya menonton wayang perdana 'Ghostbusters' sempena pembukaan pawagam itu.



UNTUK ALBUM ... Musa di samping Faridah serta tetamu jemputan merakamkan kenangan dengan empat anak gadis yang mengenakan kostum Ghostbuster sempena pembukaan pawagam LFS itu.



TERUJA ... Musa mencuba kereta antik Ghostbusters yang turut dipamerkan kepada orang ramai sempena pembukaan pawagam tersebut.